

Mohd Amirul Kasyful Nur bin Zulkifli

From: UUM CORPORATE COMM.
Sent: 29 Jun 2021 10:38
To: UUM - All Staff; UUM - All Students
Subject: SoL Berpotensi Jadi Jenama Utama Pendidikan Perundangan Negara



UUM Corporate Comm.
Universiti Utara Malaysia

29 JUN 2021 / 19 ZULKAEDAH 1442H

=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Berita dan gambar oleh: Pusat Pengajian Undang-Undang

SOL BERPOTENSI JADI JENAMA UTAMA PENDIDIKAN PERUNDANGAN NEGARA



UUM ONLINE: Timbalan Naib Canselor (Penyelidikan dan Inovasi), Prof. Dr. Haim Hilman Abdullah telah mengadakan pertemuan bersama warga kerja Pusat Pengajian Undang-Undang (SoL) menerusi Webex, baru-baru ini.

Pada pertemuan itu, Prof. Dr. Haim Hilman mengucapkan tahniah kepada seluruh warga SoL kerana dalam tempoh masa singkat, SoL telah mula menjadi antara jenama pilihan dalam bidang perundangan di negara ini.

Meneruskan agenda perjumpaan, beliau menerangkan tentang Gagasan Akademia dan Admin Holistik (GAGAH) UUM 2021-2025 yang merupakan jentera yang akan memacu Pelan Strategik UUM khususnya untuk Teras 2 – Kecemerlangan Penyelidikan dan Teras 3 – Kelestarian Kerjasama Industri dan Komuniti.

Menurutnya, beliau berharap seluruh warga akademik SoL dapat terlibat sama dalam merealisasikan 'Research, Publication, & Innovation Drive (RAPID) Initiative' yang menjadi tulang belakang kepada KPI dan PI Teras 2.

"Secara khususnya inisiatif ini terbahagi kepada empat bahagian iaitu penyelidikan (RAPID 1), penerbitan (RAPID 2), inovasi @ harta intelek (RAPID 3) dan perundingan (RAPID 4).

"Saya ingin mengajak warga akademik dan pentadbiran SoL untuk meningkatkan lagi jumlah kolaborasi bersama pihak industri dan komuniti," katanya.

Pada sesi perjumpaan itu juga, beliau turut menerangkan tentang 'Sustainable Quintuple Helix (SQUAD) Initiative' yang akan digunakan untuk memacu KPI dan PI Teras 3.

Menurutnya, inisiatif tersebut memberi fokus kepada kerjasama strategik dengan Industri (SQUAD 1) dan komuniti (SQUAD 2).

Pada masa sama, Prof. Dr. Haim Hilman mengingatkan seluruh warga SoL agar kekal patuh pada SOP memandangkan wabak Covid-19 masih belum menunjukkan pengurangan kes.

Sementara itu, Timbalan Dekan SoL, Prof. Madya Dr. Harlida Abdul Wahab, berkata, SoL akan berusaha bersungguh-sungguh dalam agenda memperkukuh jenama SoL di persada pendidikan berkaitan perundangan sama ada di Malaysia mahupun di peringkat antarabangsa.

"Kita akan memastikan SoL menjadi penyumbang utama kepada kejayaan mencapai setiap KPI dan PI dalam Teras 2 dan Teras 3 UUM," katanya.





Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.